

郭勤宜 大嶼, Pop 成員

CB(1)815/15-16(03)

我係梅窩住咗20年我

~~作為一個住咗係梅窩20年嘅街坊~~，本人反對政府略奪式發展大嶼，反對政府賤賣全民自然歷史文化寶庫，強烈要求撤回災難報告。

賤賣大嶼山

就大嶼山社區諮詢問題。我想問各位官員，有冇做到真正嘅社區諮詢？有冇真真正正去到梅窩貝澳水口塘福大澳，坐係茶餐廳聽吓真正嘅居民點講？有冇睇吓Facebook入面，真正居民嘅意見？有冇用心去問吓班街坊，大嶼山嘅問題，係咪一定要用略奪式發展嘅手段去解決？我見唔到你地有做，所以我幫你地做咗。以下係梅窩一位年輕人對發展的看法，亦係我地大部份街坊嘅心聲，~~請各位留心去聽：~~

“而家我地係咪自己人害自己人？發展之後，大嶼山既小商戶玩完架喇，消費高到嚇死你！到時大嶼山^起D公屋居屋都唔知比咩人住既。整理D九唔搭八既野，你估真係有你地大把著數咩，講到對居民幾多好處，但實質益咗邊D人，心照啦！扮乜野綠色旅遊，其實就係大白象工程。話就業機會多左，其實就係等班小商戶挨唔住貴租，跟住咪要同^{大財團}打工囉！到時仲點解要留係梅窩住呢？！大嶼山既風貌同價值仲有得淨？！~~我地居民一直自家自己係住係大嶼山呢個美麗嘅後花園！~~”

各位官員，連本地原居民嘅下一代都預計到，發展之後，佢地嘅將來，就係要係啲九唔搭八嘅水療渡假村幫啲唔知咩人斟茶遞水dup骨按摩清潔打掃。各位係咪要見到~~香港嘅下一代~~，將來就係咁先識得後悔？！

你地好孫，

之前陳局長去梅窩~~兒童遊樂場出席個公眾參與活動揭幕儀式~~，一班街坊諗住終於有機會，可以親口表達我地嘅擔憂，點知就比人

欄晒係出面！諗住係門口等陳局長出嚟講清楚啦，點知啊局長就係另一邊爛地盤^{有甚執劇}走咗！局長，唔好做到啲居民好似好野蠻先得嘍，我地係講道理嘍。

另外就係居民知情權問題。我每日往返梅窩同東涌，但就從未見過有任何街站同街坊講解成個發展計劃嘅細節。係有展版，但就只係放係富東逸東就算，一係就放咗出香港冇雷公咁遠。而且展版內容就只講發展有幾咁美好嘅假象。大嶼南嗰邊嘅街坊係完全唔知會係咁樣發展！唔係靠一班有心人口耳相傳，到而家我地仲被人蒙在鼓裡。話係有簡介會公眾論壇，但^{冇雷公咁遠}又只得個別人士先有可以參加。就算參加咗，咪又係Present比你聽嗰個假到爆嘅表面幻象，連想發言表達意見嘅資格都未必有。而家要拆我地屋毀、我地家園呀，同我地講一聲都有？話拆就拆？係咪要咁惡呀？！

我為大家送上一段 ~~你~~ 聖經經文，聽住！
最後，我知道陳局長係基督徒，在此送上一段聖經經文作為提醒
耕種自己田地的、必得飽食，追隨虛浮的、足受窮乏。

誠實人必多得福、想要急速發財的、不免受罰。

人有惡眼想要急速發財、卻不知窮乏必臨到他身。

~~箴言28章 19-22節~~

當政府將居民置之不理，夾硬要咁樣略奪式發展，~~夾硬要填海~~
夾硬要係梅窩起鐵路起人工島嘅時候，我唯有宣布，梅窩正式步入死亡。願 主祝福大嶼山, Amen!